

Kanus-a man Mahitabo ang Ikaduhang Pag-anhi ni Jesukristo?

MANWAL SA SEMINARY ALANG SA BAG-ONG TUGON

Nakahunahuna ka ba kon kanus-a mahitabo ang Ikaduhang Pag-anhi ni Jesukristo o kon maandam ka ba niini? Ang mga Santos nga Taga-Tesalonica adunay susama nga mga pangutana.

Basaha ang 1 Mga Taga-Tesalonica 5:1–3 ug pangitaa ang mga metapora nga gigamit ni Pablo sa paghulagway sa panahon nga si Jesus mobalik sa kalibotan.

- Unsa man ang imong nakit-an?
- Unsa ang gitudlo sa pasumbingay ni Pablo sa usa ka kawatan sa gabii ug sa usa ka babaye nga nagbati mahitungod sa Ikaduhang Pag-anhi sa Manluluwas?

Basaha ang 1 Mga Taga-Tesalonica 5:4–6 ug pangitaa ang mga kamatuoran nga gitudlo ni Pablo mahitungod sa pagkaandam alang sa Ikaduhang Pag-anhi. Itandi ang kini nga mga pagtulun-an ngadto sa Doktrina ug mga Pakigsaad 106:4–5.

- Unsa nga mga panabot ang imong nakuha?

Usa ka kamatuoran nga atong makat-onan gikan sa mga pagtulun-an ni Pablo mao nga **kon kita maningkamot nga mahimong “mga anak sa kahayag” pinaagi sa pagsunod ni Jesukristo, kita maandam kon Siya moanhi pag-usab.**

Sa pagkat-on og dugang mahitungod sa lain-laing mga paagi nga ang Ginoo nagdapit kanato nga mahimong mga anak sa kahayag, basaha ang 3 Nephi 18:24; Doktrina ug mga Pakigsaad 50:23–25; 88:67–68. Ilista sa imong journal sa pagtuon unsa ang imong nakaplagan nga nakatabang kanimo nga makasabot unsaon pagkahimong anak sa kahayag.

- Giunsa nimo pagdapit sa kahayag sa Ginoo diha sa imong kinabuhi? Sa unsang paagi ka nagdapit og dugang sa Iyang kahayag nganha sa imong kinabuhi?